




রসবিলাস

ব্রজেন্দ্রকুমার সিংহ









র স বি ল স

SONS IN BISHNUPURIA MANIPURI
BY BROJENDRA KUMAR SINGHA

COPYRIGHT : SUKHADA SINGHA

ব্রজেন্দ্রকুমার সিংহ

১৯২৬ খ্রিঃ, ১২ . ৪০২৫ বঙ্গাব্দ ১৩৫৩ চৈত্র ১ শকাব্দ

আমি প্রভু, ১৯২৬ খ্রিঃ, ১২ . ৪০২৫ বঙ্গাব্দ ১৩৫৩ চৈত্র ১ শকাব্দ

চক্রে প্রভু, ১৯২৬ খ্রিঃ, ১২ . ৪০২৫ বঙ্গাব্দ ১৩৫৩ চৈত্র ১ শকাব্দ

আমি প্রভু, ১৯২৬ খ্রিঃ, ১২ . ৪০২৫ বঙ্গাব্দ ১৩৫৩ চৈত্র ১ শকাব্দ

আমি প্রভু, ১৯২৬ খ্রিঃ, ১২ . ৪০২৫ বঙ্গাব্দ ১৩৫৩ চৈত্র ১ শকাব্দ

আমি প্রভু, ১৯২৬ খ্রিঃ, ১২ . ৪০২৫ বঙ্গাব্দ ১৩৫৩ চৈত্র ১ শকাব্দ

আমি প্রভু, ১৯২৬ খ্রিঃ, ১২ . ৪০২৫ বঙ্গাব্দ ১৩৫৩ চৈত্র ১ শকাব্দ

১৯২৬ খ্রিঃ, ১২ . ৪০২৫ বঙ্গাব্দ ১৩৫৩ চৈত্র ১ শকাব্দ
আমি প্রভু, ১৯২৬ খ্রিঃ, ১২ . ৪০২৫ বঙ্গাব্দ ১৩৫৩ চৈত্র ১ শকাব্দ

শিলচর ৭৮৮০০১

আমি প্রভু, ১৯২৬ খ্রিঃ, ১২ . ৪০২৫ বঙ্গাব্দ ১৩৫৩ চৈত্র ১ শকাব্দ

RASABILAS
SONGS IN BISHNUPRIYA MANIPURI
BY BROJENDRA KUMAR SINHA

COPYRIGHT : SUKHADA SINHA

ভগবতী চাককু চিত্ৰৱৰ্ত্ত

পয়ল প্রকাশ : কাঙ, ২২শে আষাঢ় ১৪০৪, ৭ই জুলাই ১৯৯৭

প্রচ্ছদ শিল্পী : সুভদ্রা সিংহ

প্রকাশক : হাজি নূরুল লস্কর
আসাম পাৰিশাস', সাকি'ট হাউস ৰোড
শিলচৰ-৭৮৪০০১, আসাম

মুদ্রণ : দেবানন্দ দাম
জ্ঞান বিচিত্রা প্রেস
১১ জগন্নাথ বাড়ি ৰোড, আগৰতলা-৭৯৯০০১

৫০০৪৪৮৮
দাম : রূপা পনরহান

কলীয়া কাত কাত কলীয়া

অলকা সিনহা

বার

ডঃ অশোক সিনহারে

খুড়তাকর আশীর্বাদ

লেখকৰ আৰ আৰ লেৰিক

চক্ৰবৰ্ত্তী (নাটক)

লেহাও ফুলগৰে

এলাৰ খুৎতল

ধুবপদ

মেরাক সেরাক

কন্ঠগিরো (নাটক)

পুংলল

মেইকেই (নাটক)

বিরহী বন্ধু এলাহান

পোৱেই (সম্পাদনা)

মেয়েক মেঠেল ১ম ভাগ

জিনজিনি

চিকংলেই

ed. Bishnupriya Manipuri Language & Literature

ধনঞ্জয় ৰাজকুমাৰৰ লেৰিক

ৰুবাইয়ৎ-ই-ওমৰ থৈয়াম

ডিগল আতহানল মোৰে

মিকুপৰ চৌৰি ফুল

হপনৰ বাবুয়ানি

ভূমিকা

লৌরিক এহানরকা বিভিন্ন গিরিগিথানিরাং কৃতজ্ঞতা প্রকাশ করানি মনাউরি। পয়লা নিংসিং অউরি তাই বরাক উপত্যকা বঙ্গ সাহিত্য ও সংস্কৃতি সম্মেলনর সাধারণ সম্পাদক শ্রীনীতীশ ভট্টাচার্য'র নাঙহান। প্রচ্ছদহান আকেদিয়া ঙালকরেদেছে শিল্পী সুভদ্রা সিংহরকা বানা বার আশিস থাইল। শ্রীদেবানন্দ দাম, শ্রীদিলীপ চৌধুরী, কবি সমরজিৎ সিংহ, শ্রীমান জ্যোতির্ময় সিংহ বার কল্যাণীয়া মণিদীপার নাঙহানি এপেই উল্লেখ করানি মনেইলু।

৩বিমল সিংহরে লৌরিক এহান আতে আতে খুৎতল দেনা নুয়ারলু দুঃখ এহান এজনমে না ককইতই।

৩দিলীপকুমার সিংহ, ৩উত্তমকুমার সিংহ বার ৩প্রসন্নকুমার সিংহরে আহির' পানিল নিংসিং অউরি।

নিজে প্রুফ চানা নুয়ারিয়া লালগ মাহেই থা পড়িলগা। লৌরিকহান পাকরানির আগে শুদ্ধি পত্রহান চেয়া চুম করে দিবাং। ২৭ পৃষ্ঠার ১ নং এলা ঔহানাং “তরজের থায়া থায়া” অইতই।

ভানু সিংহর পদাবলীর অনূকরণ করিয়া এলু কতহান দেছু ঔতা অনুবাদ নাগই।

বরাক উপত্যকা বঙ্গ সাহিত্য ও সংস্কৃতি সম্মেলনর সাধারণ সম্পাদক শ্রীনীতীশ ভট্টাচার্য'রে বিশেষ কৃতজ্ঞতা জ্ঞাপন করৌরি।

সূচীপত্র

গৌরাঙ্গ বন্দনা	৯
বাল্যলীলা	১০
শ্রীকৃষ্ণর রূপ	১১
শ্রীরাধার রূপ	১২
পূর্বরাগ	১৩
অনুরাগ	১৪
রূপোল্লাস	১৭
অভিসার	১৮
সাজন	১৯
অভিসার	২০
মান	২১
আত্মনিবেদন	২৩
মাথুর	২৫
নবধা ভক্তি	২৬
ভানু সিংহর পদাবলী	২৭
গজল	৩০

□ গৌরাঙ্গ বন্দনা

কতি অপরূপ গৌরচন্দ্র রূপ

পূর্ণিমা জোনাক জিঙে ।

হুনাল সাজেছে প্রেম তরুজার

প্রেম রসে আছে তিঙে ॥

রাধা ভাব ফণা কৃষ্ণ নাও পাতা

ভক্তির অমৃত ফল

রসর সাগরে বাহেছে উজার

রসে দেহ ডল ডল ॥

ধারা বিনয়ানে সুরধুনী আছে

ভকতি তরঙ্গ কার ।

অমৃত মাধুরী পাহিরা পড়ের

মনার উগই পার ॥

নাছিরা বিলার যাচে যাচে দেব

রাধা কৃষ্ণ নাম ধন ।

অমূল্য রতন পেয়া জীব এতা

নুঙেই পেইলা মন ॥

গৌর-পরকাল ধন্য কলিষুগে

উদ্ধার ঐলাতা পাপী ।

নবদ্বীপ চন্দ্র ঙালছে জগতে

হরেছে আধার হাবি ॥

নেয়ছে উপমা প্রেম রস সীমা

তিল আগ দেনে মোরে ।

দাস ধনঞ্জয়ে মাতের কাঁদিয়া

নাথই দরেই করে ॥

□ বাল্যলীলা □

আয় আয় নীলমণি ইমার পরানমণি
আয় আয় ননী খানি খেয়া ।
বনোদা পরান ধন নাছিরা বুজেরা মন
ভাগ্যবতী তোরে মিতে পেয়া ॥
নিরাম নাগই মোরে বিধিরে দেছেতা তোরে
পুণিমার আহান জোনাক ।
মোর উরে তিতে কান্দু দুঃখিনীর যাদু মান্দু
সদা থাক এসাদে কনাক ॥
পিদিয়া তি পীত ধড়া আতে বংশী মনোহরা
নুপূরর, রুনু রুনু রউ ।
ময়ূর চড়াগ তোর কতিয়ো হারউ অর
বানার সাগরে নুংশি চউ ॥
তোর কনমালা ডাল আছে এমাটিকো ঙাল
হৃদিগ বুজেছে মোর মণি ।
মধুর মধুর নাছা দিয়া পুরা মোর আশা
বির আতে বুজে দিতৌ ননী ॥
থমক থমক দিয়া বুজাদে ইমার হিয়া
চেয়া চেয়া হৃদি চাম নার ।
চুমা দিঙ বির গালে নাছ কান্দু তালে তালে
ধনঞ্জয় কাদে কাদে চার ॥

□ শ্রীকৃষ্ণ রূপ

নাগর শ্যাম	যমুনা কূলে	তিরি ভঙ্গিম ভঙ্গিয়া ।
কোট অনঙ্গ	জিঙিয়া রূপ	প্রেমল তরঙ্গিয়া ॥
মোহন বেগু	রাধা রাধা	অধরে মধুর মূকসি তার ।
ইন্দ্র ধনুক	পিচুন দগি	আহিগি হৃদি বুজিয়া থার ॥
মল্লিকা মালা	ময়ূর চুড়া	চন্দনে দেহ সাজিয়া ।
পাঁতাম্বরে	অন্তরগরে	দেহতা মিঙালে রাঙিয়া ॥
মঞ্জীরে স্রো	রত্ন রত্ন	দ্বিগ চঞ্চল চরণে ।
চারির বারা	বুজেছে অপ-	রূপ অমৃত বরনে ॥
নীলবরন	নীলকান্ত	নীলমণি শ্যাম ঘন ।
জলদ রুচি	মেখে বিজুরি	নিলগা হরির হৃদিমন ॥
বৃন্দা বিপিনে	তরুলতা	কতি ও পুণ্য, ভাগ্যবান ।
ধনঞ্জয়	কাদের চেয়া	শ্যামল রাঙা খরাহান ॥

□ শ্রীরাধার রূপ

কনক বিজ়ুরি রঙ কমলিনী মেইথঙ
চন্দনে চম্পকে পাছি লাজ ।
অঞ্নে আকোছি আহি পিঞ্জরে খঞ্ন পাহি
বিসারার কই রসরাজ ॥
বিবুলা ভ্রমরা পারা গংগু পিয়া দিশা হারা
বদন কমলে আছি বয়া ।
অলছে হুন্যার ফুল নেই তার সমতুল
শাতছে কঙালা কতি অয়া ॥
লেহাওয়ে সাজেছে কেশ পারিজাতে আছে বেশ
বুলে বুলে আজি অলিকুল ।
উজ্জ্বল হাগর তেরা বেণীগরে বেরা বেরা
শাতছিতা চুম্পুল চুম্পুল ॥
মৃণাল পাম্পল লতা কি বোয়ে বেরেইলতা
উতাং হুলছে দুগ কুড়ি ।
উপেই মুক্তার হার আছে শিশিরর ভার
কি উপমা এরূপ মাধুরী ॥
অলস জঘন পীন কতিতট কতি ক্ষণ
রাঙা থাম্পালর সাদে খয়া ।
কিনি কিনি কিংকিণী নুপদুরর রিনি কিনি
রহের খয়ার ধূলি লয়া ॥
এ রূপরে চেয়া চেয়া মাতের উপমা নেয়া
রাধারানী দাস ধনঞ্জয় ।
নেই নেই ভাব-ভক্তি এতা বিরচিল শক্তি
রাধিকা চরণ ধূলি ঠই ॥

□ পূর্বরাগ

মধুর মাধব নাও দুনিয়া বুজিল হৃদি
 পড়েরতা ঠইগ পাহিয়া ।
 দিনহান দ্বিকানে বাজের নুংশি অয়া
 খার মোরে ডাহিয়া ডাহিয়া ॥
 কুরাও আছেতা শ্যাম দেহিং নয়ানগিল
 খয়াৎ জনমহান দিঙ ।
 লয়া লয়া তার নাও বুলিং বিভূলা অয়া
 মিতে আর হাবি পাহুরিঙ ॥
 অবশ করেছে মোরে তার মধু নাও হানে
 হুনুরেই মোরে গুণ তার ।
 তার সালে আহি ঝগি খোঁরাও আছেতা কতি
 দেহাগই তারে বিসারার ॥
 পেইলে মাধব মোর হৃদিগ চিকইতই
 জনম জনম ধন্য অয়া ।
 প্রেমল বরিয়া মিতে ঠইগল কলকরিয়া
 থইতউ দ্বি় রাঙা খয়া ॥
 মাতের ধনজয়ে মধুর কৃষ্ণর নাও
 পাগলিনী আছে রাধারানী ।
 জয় রাধা মাধব তোর ঠুম নাও কণা
 নাউ দিলে মোরে প্রভু খানি ॥

□ অনুরাগ

সখি ! শ্যাম রূপে ঙাল চারিবারা ।
 মরমে বদুজেছে শ্যাম কানেদে শ্যামর নাঙ
 অছু মিতে পাগলিনী পারা ॥
 কানদুর মেইথঙ হান আর মি নাজানু আন
 নয়ানে আহির পানি সিটা ।
 পরশর সালে তার হিরাগ আকুল থার
 পাহুৱেছু কুল লাজ কিতা ॥
 নিংসিঙে পলকে মন বদুজেরতা অনুখন
 ঠুমে বদুজা মোর গারিমন ।
 কানদু অনুরাগে ঠই, এরে তনু অছে গই
 তার সালে অছু উচাটন ॥
 পিদেছে বনর মালা চুড়াগ বাদেছে কালা
 মুরলীগ আছেতা দরিয়া ।
 বদুমনার পারে গিয়া তার রূপ মধু পিয়া
 এজনমে লইলু বরিয়া ॥
 অমিয়ার গারি উগ কি মায়াল আহি দুগ
 কি মাধুরী বলমল অঙ্গ ।
 মাতেদে মাতেদে মোরে তারে মি কিসাদে করে
 পেয়া চামকরানিতে অনঙ্গ ॥
 হিরাং হিরাগ দিয়া তারে বি আতে বাদিয়া
 পেইতউ কৃষ্ণ প্রেম রস ।
 রূপে গুণে হ্রদি এগ বদুজে বদুজে পাহেছেগ
 গারি এগ আছেতা অবশ ॥
 হবাহান না হবা নেই দেনে মোরে মাতে দেই
 গরল অমৃত পিলু আজি ।
 হারোয়ে কাদুরি কিয়া হুনৌরি আছে ডাহিয়া
 রাধা রাধা বুলিয়া হমাজি ॥
 রাধা দাস ধনঞ্জয় করে করে অনুনয়
 মাতের মি নাপাছু চরণ ।
 থাইলু দুরেই অরা কই বিয় রাঙা থা
 চেয়া অক সার্থক জনম ॥

□ অনুরাগ

মোহন মদুরলীগই বুজাদিল রাখা ঠই
নাদের মিকুপ গরে থানা ।
আহিগি পানিল আজি চেয়া আছে হে হমাজি
কোন পথে তারে গিরা পানা ॥
গরর কামেদে আর মনহান নাউ থার
লই নার দুঃখিনীর জ্বালা ।
প্রেমর দরিল মোরে বাদিয়া দুঃরেই করে
কতিও কুমেই চার কালা ॥
পুলক না এরাবের দুঃখহানো নাকমের
কিসাদে বিরাধিহান থাং ।
মুকসি দিয়া কাদে কাদে হারোরে পুড়ের তাতে
নুংশিহানে হৃদিগ অলাঙ ॥
নিংসিঙে বুজের নিঙ মিকুপো মি পাহুরিং
মাতেদেই কুরাং হজক ।
খোঁরাঙর নেই চাম দেখলে প্রভুরে শ্যাম
আরাকো নিরামু অর ডক ॥
কাদাং নেয়ছে কই উতাউ অছেতা চই
চারিবেদে মাধুরী অমিয়া ।
তারিঠুম পিয়া হৃদি তিতা করে দিল বিধি
সংসার এহান হাবি কিয়া ॥
এহান পিরীতিহান নাজানিয়া রীতিহান
নাজানিয়া পড়েছু বিপাকে ।
ধনঞ্জয়ে মাতলতা এসাদে পিরীতি কথা
পানাহান কতি পুণ্য ভাগ্যে ॥

□ অনুরাগ

হৃদিগর কথা মাতিং সজনী ।

কালার সালেদে এরে আহি পানি ॥

লুকেষা লুকানি নুয়ারলু আর ।

কৃষ্ণপ্রেম পেয়া কি দঃখ অপার ॥

মধুর মাধব পানা মনাছিলু

হৃদিগ কারিয়া বি'খয়াৎ দিলু

বিরহে সাগরে না পেইলু নীলমণি ॥

কিয়াকা সাজানি, চুলগ বাদানি

কৃষ্ণ অনুরাগ নারলু জারানি

নুঙেই মাগিয়া পেইলু কাদানি

মরণ কুরাং মাতে দেই খানি ॥

মিতে কুলনারী নুয়ারলু যানা ।

গুরুজনে মোরে দিতারাতা মানা ॥

কিয়া বির কানে মধুর এ নাঙ

হুনলুতা অরা মিতে কতি পাঙ

আহিগল চাছু নব নটবর

এ মোর সংসার, এরে মোর গর

মাতাম ফাছে তা এরে গারিগর

বুরাদেক এনে যমুনার পানি

দাস ধনঞ্জয় মাতের শ্রীরাধা ।

পেয়া কৃষ্ণপ্রেম নেয়রতা বাধা ॥

□ রূপোল্লাস

অছেতা মেঘর সাদে ডিগল নানছে চুল
উতাৎ বাদেছে চুড়াগরে ।

বিজুলির সাদে মালা উজল অছেতা নাই
হমাজি কিসাদে মাৎতু তোরে ॥

নিরালে চন্দন জাপ কতিও চুরছে সখি
অছে রেখা নুয়া জোনাকর ।

মোহন মুরলী আতে অটেদে কঙালা মুকসি
চেয়া ঠই বিবুলাগ অর ॥

ঝলমল মেইথঙ অপরূপ নীল রঙ
মনিময় কুন্ডল দিকানে ।

আহির পটেদে সখি কতিও চেইতু তারে
আহি না তুলিয়া লাজহানে ॥

আন্দিরা ফিজেতহানে বেড়াছে নীলুয়া মাচু
হুনার খারৌ দ্বির আতে ।

খয়াৎ নুপদুর গাছি নঙিয়া চেপছে নাই
ঝিনি ঝিনি রউ হাতে হাতে ।

আহিৎ বাদিরা আছে পাহুরানি নুয়ারদুরি
কিহান দেখলতা যমুনাৎ ।

হুনানি আহের য়ারি জপানি আহের নাঙ
দেহানি আহের বারো শাত ॥

মিকুপে হরিয়া মোর নিল গা এ পণ্ড প্রাণ
ঠই হাতো গউ লগে দিলু ।

নাপেয়া মি ঝিচরণ মাতুরি মরনে বালা
কিরা মিতে কৃষ্ণরূপ পিলু ॥

হুনিঙ শ্যামর নাঙ তার য়ারি দেই মোরে
কৃষ্ণ নায়া আর গতি নেই ।

ধনঞ্জয়ে মাতেরতা নাকাদি নাকাদি রাধা
কৃষ্ণ পেয়া আশা মিটতেই ॥

☐ অভিসার

সালছে আধার পথে রাই ধনি সুবদনী
বরনে পথগ আছে হিন ।
নীলদুরা ফিজতে দেহ বেরাছে কঙালা করে
নেই নুপুরর রিন ঝিন ॥
পূর্ণিমা জোনাকহান গুরেছে বরিষা মেঘে
উসাদেহে আছে মেইথঙ ।
মেঘর হাদিং তেরা নিকুলেছে পারা নাই
কৃষ্ণপ্রেমে ঙাল আহিথম ॥
আধার পানির গজে বাহেছে কমল অয়া
কৃষ্ণরসে কর্মলিনী রাধা ।
কাকেই আহান লাজে কাকেই আহান নিঙে
পারাহান আছে আধা আধা ॥
বরণে নিককরা রাত নিককরের গারিগউ
বিদিয়া হাদিং পণ্ডবাণ ।
প্রেমর তরঙ্গ হানে বাগের হাবিতা বাধ
লাজ ডর বার কুল মান ॥
সালছে হরির সালে আধারে জোনাকহান
ঙালছে মামেদে খানি খানি ॥
দাস ধনঞ্জয় আজি মনাছে পাড়রা থানা
যে পথে সালহে রাধাানী ॥

□ সাজন

সাজাদে সাজাদে সখি শ্যাম দরশন সালে
 হৃদিগ উতলা অছে মোর ।
 মধুর বাশির ধ্বনি হুন হুন হে সজনি
 ডাহের মোরেতে মন চর ॥
 কুন্তলে চম্পক মালা বেরা দেই মোরে তুমি
 খুয়া দেই মালতীর ফুল ।
 গোবিন্দর তুল তুল খয়াহানি পুছে দিয়া
 ধন্য আজি অইতই এতা চুল ॥
 অপরূপ শ্যাম রূপ চেইতাই নয়ান দ্বিগ
 সাজাদেই গছিয়া অঞ্জন ।
 মধুর মাধুরী তার বুজেছে হৃদিগ মোর
 দেই দেই কঙালা বসন ॥
 কঙালা এ তনুগাণ দেই মোরে মৃগ মদ
 সুশীতল সুগন্ধি চন্দন ।
 এদেহ মাতাম ফাছে তারাং কাৎকরে দিৎ
 কলকরিংনে শ্রীনন্দ নন্দন ॥
 কৃষ্ণ চরণ সেবা করতই এ দিয় আত
 খারৌ দিয়নে কুসুমলেই ।
 কৃষ্ণপ্রেম থছু বুকু মোরে হে হমাজি আজি
 মদলেই মালা পিদা দেই ॥
 নাদিয় নাদিয় তুমি মণির মন্তার হার
 প্রভুর দেহে দুঃখ নাক ।
 কাঙালা ফিজেং হানি উরাদেই মোরে তুমি
 মোর প্রভু নবীন কনাক ॥
 কৃষ্ণ প্রেম রস দিয়া বুজেই ঠাইগ মোর
 শ্রীকৃষ্ণ নাও কানে দেই ।
 কৃষ্ণ সেবা নাপেরাহে ধনঞ্জয় দুঃখ পাছে
 অরা আছে কতিয়উ লেই ॥

□ অভিসার

দমকের দামিনী চমকের যামিনী
 রাই কমলমুখী নিঘোর আধারে ।
 ঘন ঘন বজর রহের ঘোর অরা
 রাধিকা সালছে রাত্তি অভিসারে ॥
 অনুরাগে ঙালছে মামছে বনপথ
 তনুগ গুরেছে গাঢ় নীলদুয়া বসন ।
 পন্থ দুরেই আছে শঙ্কাও কতি কতি
 কুঞ্জ পথেদে দেহ আগে আগে মন ॥
 প্রেমরস তরঙ্গ বৃজেছে রাধার অঙ্গ
 কানুর পিরীতি বাণ অছেতা বিষম ।
 কঙ্কণ আতে নেই খয়াৎ নুপুর্ নেই
 প্রেমর কাজলে সাজ অছে আহি থম ॥
 বরণে পঙ্ক বৃজা কঠিন কাটার পথ
 কঙালা কনক ধনি সালছে অধীর ।
 যমুনা ধারার সাদে কৃষ্ণ প্রেমে কাদে কাদে
 মিকুপ আহান পেয়া নাছে নাই থির ॥
 নুস্তা মালার জল বৃকগৎ অছে ঙাল
 আর ঙাল অছে হৃদি থংমেই ॥
 ধনঞ্জয় অছে উঙ কুঞ্জ দুরেই অছে
 শ্যামের পরাদে রাধা কোন বাধা নেই ॥

□ মান

আহিগি তুলিয়া চানে বিধুমুখী রাই ধনি
প্রাণপ্রিয়া নাকরিনে মান
না নঙেই মেইথঙ না চেইনে আর বেদে
রাধা নারা মি নাজানু আন ॥
রাধার বদন শশী আধার অছেতা আজি
মুকুসিহান নেয়ছে অধরে ।
রাইপ্রেম শিরোমণি কাঁদিয়া করেছে মান
কিতা কানা এরে পীতাম্বরে ॥
এরে মোর ঠই এগ থায়াতে কিহান কানা
জিৎতা অয়া এবাকা এপেই ।
মলিন বদন অয়া রাই আছে মুঙে বয়া
এতারে জিঙিল দুঃখ নেই ॥
কমলিনী মুখ মধু নাপিতই থতাহানে,
আহিয়ে মেইথঙ নাদেহিয়া ।
মধুর রাধার কথা নাহুনের কানহানি
এবাকাউ আছে তাতে কিয়া ॥
ময়ূর চড়াগ মোর থইলু থয়াং তোর
বাশি যাগা দুরেয়ে মাঙোগা ।
হৃদিং লাগেছে জিৎগ যাগা তিতে যমুনাং
আকুবালা বুরিয়া সাঙোগা ॥
কৃষ্ণর কাদানি চেয়া মাতের ধনঞ্জয়ে
হুন হুন কানু প্রেমমণি ।
করিয়া তি থায়া মান দুঃখ দিয়া কৃষ্ণ ঠায়ে
তিঅউ পাউরি দুঃখ, ধনি ॥

□ মান

ধীরে কৃষ্ণর খয়া অন্তরে আকুল অয়া
 মার্তিরিতা রাধিকা কাঁদিয়া ।
 'ধিক ধিক এজনম কিয়া মিতে দ্বিচরণ
 এবুকে না থইলু বাদিয়া ।
 ক্ষমা কর অপরাধ এহান কি পরমাদ
 লালছু মি কতিয়ো তোরাং ।
 মোর দেহ প্রাণ মন লনে তি যৌবন ধন
 আর মিতে পাপভাগী নাও ॥'
 রাধাই দরিয়া আতে পুছে দিল হাতে হাতে
 কান্দুর দেহে ধূলি যেতা ।
 কৃষ্ণর মেইথঙ চেরা কাঁদিরিতা দুঃখ পেয়া
 মোর সালে দুঃখ পেইলতা ॥
 ঈর্ষার ভুজঙ্গ মোরে দংশন করিয়া এরে
 অপরাধী অছু শ্রীচরণে ।
 ঘন শ্যাম হে মাধব কতি কতি কইতব
 হাবি ঙাক করিয়া সেবালনে ॥
 তোর প্রেমে আজি কান্দু অছু মি ডাঙর জানু
 তোর প্রেমে কাছে মোর মান ।
 খয়াং দেছু ফাম দেহেছি এ ব্রজধাম
 নাদিরনে অপরাধহান ॥
 মাতের ধনঞ্জয় রাধা কৃষ্ণ জয় জয়
 দুহু চেরা দুহু হারৌ অয়া ।
 আনন্দিত বৃন্দাবন পেয়া রাধা কৃষ্ণ ধন
 অন্তকালে মিয়ো পাঙ খয়া ॥

□ আত্মনিবেদন

প্রভু ! তোরাং ডালেছু তনু মন ।

করিও চরণ সেবা দেহগ সমরপিরা

তিহে মোর প্রিয় প্রাণ ধন ॥

প্রেমর বাদনে তোর হৃদিগ বাদেদে মোর

তিল আগ নাকরি দূরেই ।

তোর প্রেমে অহঙ্কারী অছু মিতে গিরিধারী

তি বিনে আরতা গতি নেই ॥

তোর কলঙ্কর অক গারিগদে মৃগুমদ

তোর প্রেম—ইঙছে চন্দন ।

তোর প্রেম মালাডাল অকনে বুকুদে ঙাল

তোর প্রেম অঙ্গর ভূষণ ॥

বিনা মূলে মোরে লয়া থাক মোর প্রভু অয়া

জনম জনম দাসী থাও ।

মোরে তি করিয়া দয়া দিছ এনে বিন্ন খয়া

জন্মে জন্মে কৃষ্ণ সেবা পাও ॥

দাস ধনঞ্জয় কথা : কোন দিন অইবতা

এসাদে মধুর কৃষ্ণপ্রেম ।

অপার রসর খনি এসাদে পরশমণি

হার্বিতা করের পূণ্য হেম ॥

□ মাথুর

রাধারে তি দিয়া জ্বালা চরণে না থয়া কালা
 মথুরাং গেলগা বেলগা ।
 কিহান পাপর সালে আজি এ বসন্ত কালে
 দুঃখ বছি হরিরে নাপেয়া ॥
 গোপিনীর প্রাণধন এরা দিলে বৃন্দাবন
 কিসাদে চরণ সেবা পানা ।
 তি নায়া কুঙ্গই আর আমারে কর্তৈ পার
 কার সালে অভিসারে যানা ॥
 তোর সালে প্রাণনাথ আহিলাং যমুনাং
 বেলা দিয়া লাজ কুল মান ।
 তোর সালে উদাসিনী ব্রজনারী পাগলিনী
 হুনিয়া মুরলী ধনিহান ॥
 পদগিমাং ঙাল বেহ ফুলগি অছিতা লেই
 ভ্রমরাগি কাদে কাদে আছি ।
 দুঃখর কালিন্দী কূলে কদম্ব তরুর মূলে
 নাবাজের রাধা নাঙে বাশি ॥
 আহি এগি অছে মাম মূঙে নেই প্রিয় শ্যাম
 অভাগিনী কিসাদে থাইতৌ ।
 থায়া কিতা কানা ঠই বিসারাগা কৃষ্ণ কই
 আনেদেগা মথুরার পউ ॥
 কিয়া না বাধলু চুলে দ্বিগ চরণর মূলে
 ঠইগৎ ইতু নাকরেছু ।
 উহানেহে মূঙে নেয়া আছুতা বিরহ বয়া
 অভাগিনী কিয়া নামরেছু ॥
 আহির পানিয়ে আর হৃদি এগ চিক নায়
 যমুনাং ঝপ দিগা আজি ।
 মরিংগা কদম্ব ডালে দারুণ কৃষ্ণর সালে
 সাক্ষী থায়ো বিণাথা হমাজি ॥
 মাতেরতা ধনঞ্জয় বাছানে দরিয়া ঠই
 প্রিয় চির কাদাং আহিতই ।
 ঔদিন বাসেয়া থানা হৃদিং কৃষ্ণরে পানা
 তার প্রেমে হাবি বাহিতই ॥

□ মিলন □

শ্যামল কাদাৎ বিজ়ুরিগ গোঁরি
কতি অপরূপ চেই ।
মেঘর কাদাৎ কনক জোনাক
দিলতা তুলনা নেই ॥
রাধার মাধুরী মধুর অমিয়া
কান্দু নীরদ দেহা ।
কালার সাগরে বুরেছে মিঙাল
হবার নেরছে লেহা ॥
কর্মানীগৎ বহেছে ভ্রমর
তমালে মালতী ফুল ।
মেঘালা হাগেদে কাপকলেইগ
নেয়ছেতা তার তুল ॥
মাতের ধনঞ্জয় নাদেখলু কই
খানি মোরে দেহা দেই ।
ঈগির চরণে অলয়া ধূলিগ
অয়া থাৎ মিতে লেই ॥

□ নবধা ভক্তি

শ্রবণ কীর্তন বারো শ্রীপাদ সেবন ।
স্মরণ বন্দন দাস্য আত্মনিবেদন ॥
পূজা বারো সখ্যভাব এরে নব রীতি ।
নবধা ভক্তির নাঙ শ্রীকৃষ্ণ প্রীতি ॥
মহারাজ পরীক্ষণ কৃষ্ণলীলাহান ।
শ্রবণ করেছে দিরা তার মনপ্রাণ ॥
শুকদেব গোস্বামীর শ্রীকৃষ্ণ কীর্তন ।
ভক্ত শ্রেষ্ঠ প্রহ্লাদর শ্রীনাম স্মরণ ॥
শ্রীলক্ষ্মীদেবীর প্রভু শ্রীপাদ সেবন ।
বলি রাজা নিজদেহ দেছে নিবেদন ॥
পৃথিবীপতি পৃথুরাজে করেছে পূজন ।
অক্রুরে করেছে সদা শ্রীকৃষ্ণ বন্দন ॥
অজর্ন কৃষ্ণর সখা হনুমান দাস ।
নবধা ভক্তির ভক্ত এসাদে প্রকাশ ॥
কলিঙ্গ শ্রীকৃষ্ণ নাঙ কীর্তন ভজন ।
নালাছে তা ধনঞ্জয় অতি অভাজন ॥

□ ভানু সিংহর পদাবলী

(১)

হাওন গগনে ঘোর ঘনঘটা নিষোর ধামিনীরে
কুঞ্জ পথে সখি কিসাদে যিতোগা অবলা কার্মিনীরে,
উন্মদ বৌহানে ষমুনা তরঙ্গের থায়া গরজের মেহ
দমকের বিজুলিয়ো পথে তরু নড়েছেগা আছে কতি নিকবরে দেহ
মেঘে ধ্বনি রিম ঝিম রিম ঝিম রিম ঝিম বরিষের বাদলপুঞ্জ
শাল পিয়ালে তাল তমালে নিবিড় আধারে মাম কুঞ্জ ॥
মাতেদে হমাজি এ দুরুদিনে কুঞ্জ নিরদর কান।
দারুণ বাশ কিয়াকা বাজারতা স্করুণ রাধা নাও ॥
মোতিম হারে বেশ করেদে সিথিগ দেনে নিরালে
বুকেদে লামছে এরে শিলছে এগাছি চুল বাধেদে চম্পক মালে ॥
গহন বনেদে তি নাষেইগা রাধা নওল কিশোরর কাজে।
গরজের ঝারে ঝারে কতি ডর পেইতেই মাতের ভানু তোর দাসে ॥

(২)

হমাজি হমাজি রাধিকা তি	চানে এবাকা আহিয়া।
মৃদুল খয়াল শ্যাম আহের	মৃদুল এলাল বাহিয়া ॥
পিদেদে গারেদে কুসুম হার	পিদেদে নীল আঁগিয়া।
সুন্দরি সুন্দুর দিয়া	হেইদি করেদে রাঁগিয়া ॥
সহচরী হাবি নাছ নাছ	মিলন এলা দিয়া হে।
চঞ্চল মঞ্জীর রোঁরে	কুঞ্জ গগন সেয়া হে ॥
হম জি এবাকা ইঙালো গরগ	বনক দীপ জ্বালোয়া ॥
সুরতি করনে কুঞ্জ বভন	গন্ধ সলিল ডালোয়া ॥
মল্লিকা চামেলি বেলি	ফুলগি ছিড় লেইসাবিয়ে।
গিথ বুখী গিথ জাতি	গিথ বকুল হাবিয়ে ॥
মৃদুল খয়াল শ্যাম আহের	মৃদুল এলাল বাহিয়া।
খোঁরাঙ আহি ভানু সিংহ	কুঞ্জ পথেদে রাহিয়া ॥

(৩)

মরণ হে তিতে মোর শ্যাম সমান
মেঘ বরণ তিতে মেঘ জটাজুট

রাঙিরা কমল আত রাঙিরা অধরপুট
তাপ বিমোচন করুণ উর তোর
মৃত্যু অমৃত দেব দান ॥

আকুল রাধা হৃদি অতি জর জর
জঙ্ঘের আহির পানি দিনহান জর জর
তিহে মোর মাধব তিহে মোর মারুপ অর
তিহে মোর তাপ সেচাদে
মরণ তি আইনে আহেদে ॥

দ্বিগ আতে তিতে লনে বানাপেয়া
আহি দ্বিগ মোর আধারে বেরেয়া
উরর গজে তোর কাঁদিয়া কাঁদিয়া
গুমে বদুজানি এরে দেহ ॥

তিতে নাউ পাহুরিয়া তিতে নাউ এরাঁদিয়া
রাধা হৃদিগ তি সুপৌ না বাঁগিয়া
ঠয়ে ঠয়ে থইতেই দিনহানি রাতিহানি
অতুলন তোর বানাহান ॥

গগন সঘন অছে আধারে বুজেছে হাবি
বিজুঁলি ঙালর কতি ঘোর মেঘ রব
শাল তাল তরু ডরেয়া ঙাকছি অতি
পথগ বিজন কতি ঘোর ॥

আকখুঁলি যিতৌগা তোর অভিসারে
তিতে মোর প্রিয়তম কি ফল বিচারে
ভয় বাধা হাবি অভয় মূর্তিগল
পথগ দেহেইতেই মোর ॥

ভানু মাতের অরি রাধা ছিয়ে ছিয়ে
চঞ্চল চিত্তগ তোর
জীবন বল্লভ মরণ অধিক তা
এবাকা তি করনে বিচার ॥

(৪)

হুনেদে হুনেদে রাধিকা থনে কুসুম মালিকা
কুঞ্জ কুঞ্জ বুলেছু সখি শ্যাম চন্দ্র নেয়ছে
নাছেছি কুসুম মঞ্জরী ভ্রমর বুলেছি গুঞ্জরি

অলস যমুনা বাহিয়া মুণ্ডে ললিতা এলাল সালছে ॥
 শশী ঙালছে যামিনী বিরহ বিধুর কামিনী
 কুসুম হার অহেতা ভার হৃদিগ তার দহেছে ॥
 অধর দিগ্গি কাদিয়া সখিরে দ্বিআতে বাদিয়া
 কুঞ্জ ভবনে পাঁপিয়া কিরা সুরে বাহেছে ।
 মৃদু সমীর বুলিয়া ইনাফি নেরগা খুলিয়া
 কুঞ্জগদে দেহিয়া আহি-পানিয়ে বাহিয়া
 ভান মাতের শূন্য কুঞ্জ শ্যাম চন্দ্র নেরছে ॥

(৫)

গহন কুসুম কুঞ্জগদে মৃদুল মধুর বংশী বাজের
 পাহুরিয়া গ্রাস লোক লাজ হমাজি আই আইনে ॥
 পিদিয়া সাজ কঙালা নীলে ঠইগ বজেরা প্রণয় ফুলে
 অরিঙি আহি মুক্সি ঙাল কুঞ্জ বনেদে আইনে ॥
 ডালের ইন্দু অমৃত ধারা ইঙাল ঙালছে রাতিরে
 মন্দ মন্দ ভঙ্গ রহিয়া ফুলে কুঞ্জ আছে বাহিয়া
 শাতছে হমাজি চন্ম বুলিয়া বকুল যুথী জাতিরে ॥
 চানে তি সখি শ্যাম রায় আহিগি প্রেমে উতলা নায়
 মধুর বদন অমৃত মদন চন্দ্রমারে নিন্দেছে
 আহ সজনি কতি আনন্দ চানা হমাজি শ্রীগোবিন্দ
 শ্যামর পদারবিন্দ ভানুসিংহ বন্দেছে ॥

গজল

(১)

তুল তুলাছে তোর গাল এগির	তিলগ চেয়া মি ।
মাতলু তোর হে সহেলি !	দিলগ নেগা তি ॥
শরাব রঙর	মাদান পরে
নাসপাতি বন	চারতা তোরে
তোর পিচুমর রোশনি	পেরা মসৎ অর কতি ॥
পিয়লা বজ গুলিস্তানে	মধুবজক ফুলহাবি ।
রবাবে দে প্রেমর সুরগ	শরম লাজৌ খুলহাবি ॥
মিকুপ এহান থাক	জনমহান
আহি ঝগিৎ	নাথাকনে মান
তোর বানার এ শিরাজিল	বুরেছু মি চা কতি ॥

(২)

সাচাকগ আই দ্বিগিয়ে	এপেই কাদিকনে ।
বকুল বনর বিরহহান	সুরল বাদিকনে ॥
বুকর তির স	প্রিলার সালে
লাহুলে থাইল	যানার কালে,
জঙের আহির পানিল	হায়, কথা মাতিকনে ॥
লেহাও ডালে ডাহের তাতে—	কই হমাজি, কই ।
শিরিন খুয়াৎ বুরে যারগা	অভিমানী ঠই ॥
এলা হানল	বিদায় কালর
পথে পথে	সুরগ সালর
তারে আজ মাওয়াতে	যানা নাদিকনে ॥

(৩)

বুলবুলি তি মোর সারুক তোর এলাহানি দে ।
 নওরোজর এ ঙাল বাগানে ফুলগি শাতছে ॥
 দিলগৎ আছে জ্বালাহানি
 ডালে ডালে আহির পানি
 নি বাউরিথাঙ ডহানহান নাডতে কমছে
 নারগিস অ । শাতছে তেই প্রেমর বাগিচাৎ ।

এলা দিয়া তেইরে তি মোর দুখহানি মাত ॥

হারনাপেয়া কাদেইঁর তেই

মোরে আর না করবনে লেই

আহি দ্বিগির ঠুমহানি দেক,—খানি মাতে দে ॥

(৪)

গোলাপ কিয়া মাটির গজে জঙলে আজি তি ।

বৌহানে চা ডেঙে ডেঙে বিসারার কতি ॥

নাবাসেইঁলে তেইরে খানি,

আনতই বুলল বানাহানি

মাটিং থায়া যানার পরে দিলগ বুজে ল'তি ॥

জোনাক বার মিঙালহানো মামছেতা নাই ।

দরদী মন কাদানিয়ো নাখামছে নাই ॥

লুকাছেগা বুকর তলে

সুরর নিংসা জ্বলে জ্বলে,

নিবেছেগা, কিস্মদে আর লাগেইঁতোতা মি ॥

(৫)

প্রিয়ার ডিগল চুলর সাদে,

হে আধার রাতিহান !

তোরতাউ তেইর জুরাগর

ফুলর সাদে তেরা আছে ॥

তেইতে মোরে কাদুয়েইঁর

দুরেইঁং থায়া থায়া ।

তি মোরে দিলে কাদানি

কাদাং থায়া থায়া ॥

(৬)

এ বাহারে মোর হৃদিগর বদর নেই তেইরাং,

আশিক আগর কপালে হারোহান নেই থাং ?

প্রেমর শিরাজিরমা কিয়া জহর ডালে দিরিতা,

প্রেমর থংমেই হানাং কিয়া নাঙালর টেইপাং ॥

(৭)

ঠই এগ মোর—দিলরুবাগ, তেই সুরগ দুরেইঁর

কতিয়ো মি ডাকতু উতাউ নাষেইঁরিগা সকয়া ।

কাদলে নিগ্রাম অর বুকর জ্বালা, ইমপানি অইলে নাকমের

কি পাপে মি অইলু এহান, এলাহানি ধলিগই বুলজিল ॥

(৮)

বানাপেয়া মিকুপ আহান কাদাং ডাহেদিলেতে
আকখুরুম করে দুঃখহানি মাতে পারলুইছ ॥

তোর কঙালা আহির ঙাল মোরে ডালেদিলেতে
আকখুরুম বুকগর জিহগ নিবানি পারলুইছ ॥
মোরে আক খুরুম করে মাতে দিলেতে
তো পথর কাটাগি দুরেই করে দেনা পারলুইছ ॥

তি মোরে মিকুপ আহা য়র বানা দিলেতে
জনম এহান হারৌ অরা থানা পারলুইছ ॥

(৯)

হে ঠইগ তি বারে বারে দুরারহান পেয়া গেলেগা ।
নামদুকেছে বুলিয়া তি হিনহানল আইলেগা ॥

হাবিতা করিয়াও না মুকিল, এবাকা মুঙে থানি বাসা ।
বানা হানল নাইল, কাদিয়া পারর নেই চা ॥

আকাদিন মুকতই বুলিয়া করেছিলে আশাহান ।
যানার কালে আকখুরুম অইলৌ পুরের নেই চা ॥

(১০)

মারুপ পানার আশা এজনমে নেয়ছে ।
এ বাহারে গোলাপগ শাতনির আশা নেয়ছে ॥
বাহারতে আহিল থাঙো বুলবুলিগ নেয়ছে ।
এতা হাবি মানু থায়াও মোর মানুগতে নেয়ছে ॥
কিয়া মি বিসারাউরি তারে য়েগ এপেই নেয়ছে ॥
ঠুরইলে হারপানি উগ আকপেয়ৌ নেয়ছে ॥

(১১)

হে বাহার, হে বসন্তহান তি কারকা আইলেতা ।
হে গোলাপগ তি কারকা বাসেয়া থাইলেতা ॥

হে ঠইগ তি এতা হাবি দুঃখ পেয়াও ।
 কিয়া লালয়া যানা নাকরিয়া থাইলেতা ॥
 জোনাক হান ! তিয়ে মিয়ে বিসারেয়ার আকগরে ।
 তিতে পেইলে থাঙ, মদুসিহানল থাইলেতা ॥
 মোর রবাবর তারগাছিতে ছিড়িয়া গেছেগা ।
 বুলবুলিগ তিতে কতি নুংশি এলাল থাইলেতা ॥

(১২)

পথে নিকুলেছু ফুলগি চাং বুলিয়া
 বুলবুলির সালে আছি মেইথং তুলিয়া
 বাসেয়া আছি হাবি শাতহান খুলিয়া
 শাত তিয়ো এ বাহারে খিড়কি খুলিয়া
 মজুর কর এ কাদানিহান, নাথাই গুরিয়া
 দুরেই নাকরি মোরে দিওয়ানাগ বুলিয়া ॥

(১৩)

হারনাপেয়া দিলগ দিলু পেইলু আহির পানি ।
 মোর হৃদিগর ফাপগ উতাই নুয়ারের নিবানি ॥
 কিংতাউ নাদি নামনেইলে নেগা তিতে আরাক থানি ।
 মোর ঠই এগ তোর পথেদে অকনে ধূলিহানি ॥
 গোলাপ ফুলে গই লাগেছে, নাগিসে রঙহানি ।
 বাহার এহান দ্বিদিন আছে তানু ঔহান জানি ॥
 রবাবগরে মাতলু মিতে তোর কঙালা সুরল মাত ।
 তোরে পেয়া চির-বাহার শাতকনে মন বাগিচাং ॥
 নালইলে তি সুর এগ তার কিয়া কিগই জানে ।
 কিহান অইলু এ জনমে আক খুরুম তি চানে ॥

(১৪)

জোনাক তিতে মোর প্রিয়ারে কিংতাদেউ না জিঙেছু ।
 তোরাংতে নেই, প্রিয়ার চুলে আছে যেতা নুংশি গং ॥

প্রিয়ার পিচুম দ্বিগ হাদিৎ অভিমানৌ করের নাই ।
 প্রিয়ার আহিৎ হাদি হাদিৎ আহির পানি পুন্স নাই ॥
 প্রিয়ার গালে তিলগ আছে ষেগই দিলগ নিলগা ॥
 প্রিয়ার ডালিম অটগিয়ে মোর হাদিৎ রাঙা দিলগা ॥
 প্রিয়ার নথর ঝলক হানে বেড়াছে মোর জনমহান ।
 প্রিয়ার কানর ঝমকা দ্বিগ অরা ডাহের মরণহান ॥
 কইতে তিতে নাজিঙেহৎ—তোরে জিঙে প্রিয়া মোর ।
 প্রিয়া চির পুর্ণিমাহান—তিতে আকদিন গুলকরর ॥

(১৫)

তোর মজলিসে চিরাগ অরা লাগানি মনাছু মিতে ।
 তোর হপনে সুদুগ অরা শকানি মনাছু মিতে ॥
 তোর বাহারর ফুলগ অরা শাতনি মনাছু মিতে ।
 তোর বিরহহান হাদিগৎ বিদানি মনাছু মিতে ॥

(১৬)

আহিগিৎ কারলয়া নিলেগা গুমহান ।
 মি লালছু, হে প্রিয়া মোর, গুমহানতে লালছে কিহান ॥
 গুমর হাদিৎ হপনে মি পেইলু তোরে প্রিয়া ।
 এবাকাতে আহির পানিৎ গেছেগা বাহিয়া ॥
 চিনার বনে এলা দেহা নাচিনু কোন পাহিয়া ।
 তোরাং পাউরি মোর নাঙহান মাতেরতা ডাহিয়া ।
 সুদুগ হাবি আহির পানিৎ ষারগা গলে গলে ।
 হপনহানৌ বুরিলতানাই আহির পানির তলে ॥
 এ টেইপাঙে নাপাউরি মি পাউরি হপনেদে ।
 হে প্রিয়া তি নাকাদুয়েই গুমহান আহিৎ দে ॥

(১৭)

এরে মোর ঠুয়ছে সফরহান লরনি আগে
 তোরে বিসারলু বারে বারে পথগ মাঙয়া ॥
 গোলাপগি শাতছিল মিচে চানা নুয়ারেছু ।
 হে মালিক মি মিকুপ আহান নাথাছু সাঙয় ॥
 কাফেলা পারেঙহান খেজুর বন গেলাগা লালগা ।
 নাহিতাই নাই তানু কোন দিন এপেই আলগা ॥

বেলিহান হমারগা ঔগদে মি সুপৌ নাচাছু ।
 সময়হান গেলগা মি লাহলে থাইলু পাঙয়া ॥
 মূশাফির ঠই এগ নাগইতাল বিবুলা অয়া থাইতে ।
 তোরে পানাহান নাইল সময়হান নাতে নাঙয়া ॥
 এবাকা আধারহান হাগে তেরা আকগৌ নেই
 জাঙহানিতে নাচলের, আছু মি সালয়া ॥

(১৮)

এ জনমে নাপেইলৌ মি পেইতৌ কেসামতে ।
 ঐবাকা হারপেইতৌ কিয়া দরা তোর ঠইগতে ॥
 রূপ পলকরিরা হংকরেছি কঙালা গারিগতে ।
 চুল গাছি তোরাং থায়া বাদেছে মোর ঠইগতে ॥
 আহিগির রোশনিহানে বিদাছে হৃদিগতে ।
 এমাটিক দুখ পেয়াও থারতা কিয়া উগতে ॥

(১৯)

কিয়া মি তোর হপনে সাঙছে আহিগি দেখলুতা ।
 দিলগর মহল এরা দিয়া নিকুললু প্রেমর পথে ॥
 সহেলির বানাহান বিসারতে বিহান অইলুতা ।
 এমাটিকো দুখ আছেতা তোর প্রেমর পথে ॥

নাজানু এগরে আকগয়ৌ বুঝহান নাদলা ।
 তিরাসে বুকগ পুড়ের, পানিতে নেই প্রেমর পথে ॥

মরণহান আহিলসাৎ বদীলয়া হারৌ অইলু ।
 ঔহানো নাপেইলু, নেই ছেয়া এরে প্রেমর পথে ॥

তি কাতহান মোরে কাদুয়া পারুদি চেইঙ ।
 তোর প্রেম নাপেইলৌ, দুখহানিতে পেইঙ ॥

তোর মেঘ আহিগির ঝিলকাহানে ।
 মনহান পুড়িল, আরতা কিতা অর চেইঙ ॥

তোর চুলে মোর খোঁনাগ বেড়াছে ।
 আত দিয়হানিয়েতে কিতা করের চেইঙ ॥

দুরেইংতো এমাটিক দুঃখ দিলে থাংতে ।
কাদাং আইলে দুঃখহান কতিহান অর চেইঙ ॥

(২১)

নারগিস ফুল হুঁকিয়া জিঙিয়া পিড়িল ।
জোনাকহানৌ আর বাসেয়া নাথাইল ॥

বসন্তহান নাকরল থানা মোর বাগিচাং ।
বুলবুলিগ লাহুলর এলাল নাথাইল ॥

তোর মেইথঙহানতে সেচানি নাকরের ।
মনহানর হাগহানাং বাসেয়া থাইল ॥

তোর প্রেমর রঙহান আরাকৌ গাঢ়রা ।
সংসার এহান হাবি সাংকরিয়া থাইল ॥

(২২)

মোর দিল এগ দিয়া আরাক আগ পেইং বুলতে নাইল ।
মোরগতে দিয়া হদেইলু, ঔগর সারুক পানাহান নাইল ॥
হারৌহান পানা মনেয়া আইতে দুঃখহানহে থাইল ।
গোলাপগ নাপেইলু, কাটাগই দিল রকত ফুটা থাইল ॥
দুনিয়া এহান কিয়া মি মনাউরি ঔসাদে নাইল ।
বানাহান হাবি দিয়াও কারৌ বানাহান পানা নাইল ।
হাবিতা দিয়া হদেইলু আরো লেইরাহানহে কাদাং থাইল ।
জনমহান বাসেয়া থায়াও এপেই কানাহান মি কাদাউ নাইল ॥


(২৩)

পথগ বুলে বুলে থাইলু, তোরে দেহিং বুলিয়া,
মুঙবারা আধার আছে, চাউরি আহিগি তুলিয়া,
পিঠিরেদে চেইতে নেই গরগ, পড়েছে বাগিয়া,
মুঙ পিঠি মাংকরলু, তোরে দেহিং বুলিয়া ।
কুরাঙো মি তোরে নাপেইলু, বিসারেয়া
জনম হান লাহুলে গেলগা তোরে দেহিং বুলিয়া ॥


শুদ্ধিপত্র

পৃষ্ঠা সংখ্যা	কবিতাহানর নাঙ	পারেঙ সংখ্যা	অইতই শুদ্ধ রূপহান
৯	গৌরাস্ত বন্দনা	৬	ভক্তির অমৃত ফল
"	"	১৮	গৌর পরকাশ
১১	শ্রীকৃষ্ণর রূপ	৪	ইন্দ্রধনুক পিচুম দ্বিগ
"	"	১০	মেঘে বিছুরি
১২	শ্রীরাধার রূপ	১০	হৃদিগতে প্রেমে নতা
১৩	পদব'রাগ	১	হৃদনিয়া বদ্বিজল হৃদি
১৬	অনুরাগ	১৮	এরে গারিগরে
"	"	১৯	বদুরাদিল প্রেম যমুনার পানি
১৭	রূপোল্লাস	৭	অটেদে কঙালা মদুর্কাস
"	"	১০	মাণিময়
১৯	সাজন	২০	কঙালা
২০	অভিসার	১৭	মদুস্তা মালার জাল
"	"	১৯	ধনঞ্জয়ে হারপাছে
২২	মান	১৬	হারি ঙাকরিয়া সেবা লনে
"	"	২১	মাতেরতা
২৫	মিলন	১১	বিজুরিগ গোরি
"	"	১০	ধনঞ্জয় কথা
২৬	নবধা ভক্তি	৯	শ্রীলক্ষ্মী দেধীর
"	"	১৬	নাপাছে
২৭	ভানু সিংহ, ২ নং এলা	৭	হমাজি...কনক দীপ
"	"	৮	কুঞ্জভবন
২৮	ভানু সিংহ, ৩ নং এলা	৫	দিনহান, হারি পর
২৯	" ৪ নং এলা	১	ললিত এলাল
"	" "	৮	ভানু
৩০	গজল, ১ নং এলা	৬	পিয়লা বদ্বজক
"	" ২ নং এলা	৩	বদুর তিরাপ
"	" ৩ নং এলা	৫	নাউতে কমছে
"	" "	৬	নারগিস অয়া
৩৪	" ১৬ নং এলা	২	গদুমহানেতে
৩৫	" ১৯ নং এলা	৮	নেই ছেয়া

Figure 1







অত্যাধুনিক যুগ এহানাং গিরকর
 আবির্ভাবে বিষ্ণুপ্রিয়া মণিপুরী সাহিত্য
 যাংখেই বছর আঙয়েইল এহানেই
 আমার দরা বিশ্বাস হান, অহানে
 অনেকে গিরকরে দ্বিতীয় গীতিস্বামী
 বুলিয়াউ মাতারা। বিষ্ণুপ্রিয়া মণিপুরী
 কবিতা মূর্তি পালয়া থাইলেতে অহান
 সম্ভব অছেতা গিরকর কারণে। আমার সাহিত্যর নক্ষত্রসম গিরকর আগমনে
 আমি কালাক পেলছি।



শিল্পী কল্পনা সিংহ

বাংলাদেশর বিষ্ণুপ্রিয়া মণিপুরী



গিরক যেসাদে কবিতা যারি অনুবাদ সাহিত্যর বারা ঙাল করেছং ঠিক ঔসাদে
 আমার লোক সাহিত্যতউ গিরকর স্পর্শ পেয়া ইঙাল ঙালছে।

মাছিমপুর (বাংলাদেশ) বাসী



সাহিত্য জগতর গ্রহরূপ কবিতা, নাটক, যারি, পৌরেই বার অনুবাদ কর্মর মাঝে
 গিরকর প্রতিভার স্পর্শ পেয়া আমার সাহিত্য পূর্ণতা পার।

বাংলাদেশ বেতার, সিলেট কেন্দ্রর

বিষ্ণুপ্রিয়া মণিপুরী শিল্পী সিংলুপ